

**- UPRAVNI ODBOR -**

Broj: 02-32/21

Sarajevo 21. 10. 2021. godine

**ZAPISNIK**  
**SA 50. ELEKTRONSKE SJEDNICE UPRAVNOG ODBORA INTEGRIRANOG**  
**UNIVERZITETA U SARAJEVU**  
**ODRŽANE 21. 10. 2021. GODINE S POČETKOM U 12:00 SATI**

**Prisutni članovi Upravnog odbora (pozvani putem e-maila):** predsjednik dr. sc. Murat Ramadanović, gospođa Mersiha Sabaredžović-Klačar, dr. sc. Mersiha Slipičević, gospodin Sifet Kukuruz, prof. ddr. Lidija Zvačko, prof. dr. Jasminka Gradašević-Sijerčić, prof. dr. Dijana Avdić, akad. prof. dr. Dejan Milošević, prof. dr. Kasim Bajrović, prof. dr. Abidin Deljanin i Hamza Vahid El-Din, predstavnik studenata.

**Ostali prisutni (obaviješteni putem e-maila):** prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, Kenan Filipović generalni sekretar, gospodin Ekrem Čagalj, interni revizor, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove i Belma Hajradinović, viši stručni saradnik Službe za pravne poslove.

Elektronska sjednica je započela u 12:00 sati.

Sjednici nisu pristupili: gospodin Sifet Kukuruz i gospodin Hamza Vahid El-Din, predstavnik studenata i akad. prof. dr. Dejan Milošević se izjasnio izvan termina utvrđenog za dostavljanje izjašnjenja (u 11:40 sati).

Članovima Upravnog odbora Univerziteta u Sarajevu (u daljem tekstu: Upravni odbor) putem mail-a dostavljen je poziv (uz prijedlog dnevnog reda) za održavanje 50. elektronske sjednice zakazane za četvrtak 21. oktobar 2021. godine, sa naznakom perioda izjašnjavanja od 12:00 do 16:00 sati.

Na osnovu izjašnjenja predsjednika i članova Upravnog odbora, uz sedam (7) glasova „za“ Upravni odbor je usvojio dnevni red, kako *s l i j e d i*

**DNEVNI RED**

1. Usvajanje zapisnika sa prethodnih sjednica Upravnog odbora Univerziteta u Sarajevu sa 49. elektronske sjednice od 30. 09. 2021. godine
2. Informacija o realizaciji Odluke Upravnog odbora Univerziteta u Sarajevu o neophodnim radnjama nakon statusne promjene

3. Izmjena i dopuna Plana javnih nabavki integriranog Univerziteta u Sarajevu za 2021. godinu
4. Davanje saglasnosti na Ugovor o regulisanju međusobnih prava i obaveza Univerziteta u Sarajevu i organizacionih jedinica
5. Donošenje Pravilnika o reprezentaciji i poklonima Univerziteta u Sarajevu
6. Davanje saglasnosti na dopunu Cjenovnika usluga Univerziteta u Sarajevu – Stomatološkog fakulteta sa klinikama
7. Zahtjev dekana Univerziteta u Sarajevu – Fakulteta sporta i tjelesnog odgoja za raspolaganje sredstvima preko iznosa kojim može raspolagati rukovodilac organizacione jedinice
8. Donošenje odluke o prestanku mandata člana Upravnog odbora iz reda predstavnika Univerziteta u Sarajevu
9. Zahtjev podnosioca prof. dr. Redže Čauševića za zaštitu prava iz radnog odnosa
10. Informacije:
  - a) Informacija Univerziteta u Sarajevu – Filozofskog fakulteta o poreznom dugu
  - b) Obavijest o dinamičkim planovima organizacionih jedinica Univerziteta u Sarajevu za akademsku 2021/2022. godinu:
    - Akademija likovnih umjetnosti
    - Katolički bogoslovni fakultet
    - Medicinski fakultet
    - Pravni fakultet
    - Prirodno-matematički fakultet
  - c) Informacija o pokrenutoj proceduri izbora i imenovanja Upravnog odbora Univerziteta u Sarajevu za novi mandatni period

## T O K S J E D N I C E

### Ad-1.

U okviru *tačke 1.* razmatran je i usvojen Zapisnika sa 49. elektronske sjednice Upravnog odbora održane dana 30. 09. 2021. godine, isti je usvojen sa 7 (sedam) glasova „za“.

### Ad-2.

Upravnom odboru Univerziteta u Sarajevu je u okviru *tačke 2.* dostavljena Informacija o realizaciji Odluke Upravnog odbora Univerziteta u Sarajevu o neophodnim radnjama nakon statusne promjene.

S tim u vezi na prijedlog prof. dr. Jasminke Gradašćević-Sijerčić, članice Upravnog odbora, Upravni odbor je sa 7 (sedam) glasova „za“ donio *s l j e d e ć i*

## Z A K L J U Č A K

1. Upravni odbor Univerziteta u Sarajevu je Odlukom od 07. 09. 2021. godine utvrdio „službeni i instruktivni rok“ imajući u vidu dostavljene informacije od strane četiri organizacione jedinice (*Ekonomski fakultet, Fakultet za saobraćaj i komunikacije, Medicinski fakulteta, Elektrotehnički fakultet*) kao razdoblje unutar kojeg se treba da poduzmu određene radnje u postupku završetka pravne integracije - kako bi se postupak mogao odvijati bez zastoja. Pravilno upravljanje rokovima omogućuje provedbu načela učinkovitosti i ekonomičnosti (postupati se mora bez odgode). Konkretnije, predviđeni rok utvrđen 24. 09. 2021. godine je bio rok unutar kojeg rukovodioci ovih organizacionih jedinica moraju poduzimati radnje na koje su ovlašteni.
2. Imajući u vidu dostavljenu informaciju, a u dobroj vjeri procjenjujući da postoje opravdani razlozi (*da nije bilo svjesno i voljno propuštanje*) rukovodilaca dvije organizacione jedinice: Univerziteta u Sarajevu - Medicinskog i Elektrotehničkog fakulteta zašto su propustili u utvrđenom roku obaviti

radnje vezane za radnopravni status zaposlenika predlažem da se omogući povrat u stanje postupka prije propuštanja poduzimanja radnji u ostavljenom roku tj. povrat u prijašnje stanje sa rokom od 15 dana od dana prijema ovog Zaključka. Na taj način Upravni odbor bi još jedanput prije primjene zakonskih rješenja vezanih za neprovođenje odluka Upravnog odbora - nastojao da se omogući zaključivanje Ugovora o međusobnim pravima i obavezama Univerziteta u Sarajevu i ove dvije organizacione jedinice, a čiji je obavezni aneks vezan za radnopravni status zaposlenika.

**Ad-3.**

Upravnom odboru Univerziteta u Sarajevu dostavljena je Izmjena i dopuna Plana javnih nabavki integriranog Univerziteta u Sarajevu za 2021. godinu. Upravni odbor Univerziteta u Sarajevu je nakon razmatranja, pojedinačnih prijedloga pojedinih organizacionih jedinica i to: Ekonomskog fakulteta, Elektrotehničkog fakulteta, Fakulteta zdravstvenih studija Građevinskog fakulteta, Mašinskog fakulteta i Univerziteta u Sarajevu (Rektorata), sa 7 (sedam) glasova „za“, donio *sljedeću*

**ODLUKU**

**o izmjeni i dopuni Plana javnih nabavki integrisanog Univerziteta u Sarajevu za 2021. godinu  
broj: 02-26-2/21 od 07. 09. 2021. godine**

**I**

Usvaja se izmjena i dopuna Plana javnih nabavki integrisanog Univerziteta u Sarajevu za 2021. godinu utvrđenog Odlukom Upravnog odbora Univerziteta u Sarajevu broj: broj: 02-26-2/21 od 07. 09. 2021. godine.

**II**

Ova Odluka stupa na snagu danom donošenja, a biti će objavljena u na internetskoj stranici Univerziteta u Sarajevu, odmah po donošenju.

**Ad-4.**

Upravni odbor Univerziteta u Sarajevu je na dostavljeni notarski obrađen Tekst Ugovor o regulisanju međusobnih prava i obaveza Univerziteta u Sarajevu i organizacionih jedinica dao saglasnost i sa 7 (sedam) glasova „za“, donio *sljedeću*

**ODLUKU**

**I**

Upravni odbor Univerziteta u Sarajevu daje **saglasnost** na tekst Ugovora o regulisanju međusobnih prava i obaveza Univerziteta u Sarajevu i organizacionih jedinica, koji čini sastavni dio ove odluke.

**II**

Ova odluka stupa na snagu danom donošenja.

**Ad-5.**

U okviru *tačke 5.* članovima Upravnog odbora dostavljen je tekst Prijedloga Pravilnika o reprezentaciji i poklonima Univerziteta u Sarajevu. Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

**ODLUKU**

## I

Upravni odbor Univerziteta u Sarajevu donosi Pravilnik o reprezentaciji i poklonima Univerziteta u Sarajevu, koji čini sastavni dio ove odluke.

## II

Univerzitet u Sarajevu objavljuje Pravilnik iz tačke I ove odluke, a isti stupa na snagu osmog dana od dana objavljivanja.

## III

Ova odluka stupa na snagu danom donošenja.

### Ad-6.

Upravnom odboru dostavljena je Odluka Vijeća Univerziteta u Sarajevu – Stomatološki fakultet sa klinikama broj: 01-4-2-46-2/2021 od 27. 09. 2021. godine, kojom se utvrđuje dopuna Cjenovnika usluga Univerziteta u Sarajevu – Stomatološkog fakulteta sa klinikama u dijelu usluge u opštoj anesteziji. S tim u vezi, Upravni odbor Univerziteta u Sarajevu je nakon razmatranja sa 7 (sedam) glasova „za“, donio *sljedeću*

## ODLUKU

### I

Daje se *saglasnost* na dopunu Cjenovnika usluga Univerziteta u Sarajevu – Stomatološkog fakulteta sa klinikama u dijelu usluge u opštoj anesteziji koja je utvrđena Odlukom Vijeća Univerziteta u Sarajevu – Stomatološkog fakulteta sa klinikama broj: 01-4-2-46-2/2021 od 27. 09. 2021. godine (dalje: Cjenovnik usluga).

### II

Dopuna Cjenovnika iz tačke I ove Odluke vrši se na način i u dijelu utvrđenom Odlukom Vijeća Univerziteta u Sarajevu – Stomatološki fakultet sa klinikama broj: 01-4-2-46-2/2021 od 27. 09. 2021. godine, a koja čini sastavni dio ove Odluke.

### III

U ostalom dijelu Cjenovnik iz tačke I ove Odluke ostaje nepromijenjen i u svemu se odgovarajuće primjenjuje.

### IV

Ova Odluka stupa na snagu danom donošenja.

### Ad-7.

Upravnom odboru dostavljen je Zahtjev dekana Univerziteta u Sarajevu – Fakulteta sporta i tjelesnog odgoja za raspolaganje sredstvima preko iznosa kojim može raspolagati rukovodilac organizacione jedinice, radi razmatranja i odlučivanja po istom.

Predmetni Zahtjev je upućen radi plaćanja *XX privremene situacije* u iznosu od 330.551,29 KM, firmi Unigradnja d.d. Sarajevo u cilju realizacije izvođenja radova na sanaciji i rekonstrukciji zatvorenog plivačkog bazena, sredstva su obezbjeđena kao namjenska od strane Ministarstva za nauku, visoko obrazovanje i mlade Kantona Sarajevo. Upravni odbor Univerziteta u Sarajevu je nakon razmatranja predmetnog Zahtjeva, sa 7 (sedam) glasova „za“, donio *sljedeću*

## ODLUKU

### I

Daje se saglasnost prof. dr. Harisu Aliću, dekanu Univerziteta u Sarajevu – Fakultet sporta i tjelesnog odgoja za raspolaganje finansijskim sredstvima u iznosu preko 100.000,00 KM po pojedinačnom nalogu u okviru Finansijskog plana, radi realizacije izvođenja radova na sanaciji i rekonstrukciji zatvorenog plivačkog bazena.

### II

Ova odluka stupa na snagu danom donošenja.

#### **Ad-8.**

U okviru *tačke 8.* članovi Upravnog odbora nakon ispunjenih zakonskih pretpostavki konstatirale su i potvrdile prestanak mandata člana Upravnog odbora, prof. dr. Abidina Deljanina. Naime, kako je prof. dr. Abidinu Deljaninu prestao radni odnos na Univerzitetu u Sarajevu – Fakultetu za saobraćaj i komunikacije, odnosno statusa koji je bio osnov za izbor odnosno imenovanje člana. S tim u vezi, Upravni odbor Univerziteta u Sarajevu je nakon razmatranja sa 7 (sedam) glasova „za“, donio *sljedeću*

## ODLUKU

### I

Utvrđuje se prestanak mandata člana Upravnog odbora Univerziteta u Sarajevu prof. dr. Abidina Deljanina radi prestanka radnog odnosa na Univerzitetu u Sarajevu – Fakultetu za saobraćaj i komunikacije, odnosno statusa koji je bio osnov za izbor odnosno imenovanje člana.

### II

Pokreće se postupak za izbor novog člana Upravnog odbora Univerziteta u Sarajevu u skladu sa zakonom, drugim propisima i Statutom Univerziteta u Sarajevu.

### III

Ova odluka stupa na snagu danom donošenja.

#### **Ad-9.**

Zahtjev za zaštitu prava iz radnog odnosa prof. dr. Redže Čauševića, vanrednog profesora Univerziteta u Sarajevu – Fakulteta zdravstvenih studija, evidentiranom pod brojem: 0101-9253/21 od 27. 09. 2021. godine, dostavlja se na razmatranje Upravnom odboru. S tim u vezi, Upravni odbor Univerziteta u Sarajevu je nakon razmatranja sa 7 (sedam) glasova „za“, donio *sljedeću*

## ODLUKU

Odbija se Zahtjev za zaštitu prava iz radnog odnosa prof. dr. Redže Čauševića, vanrednog profesora Univerziteta u Sarajevu – Fakulteta zdravstvenih studija, evidentiran pod brojem: 0101-9253/21 od 27. 09. 2021. godine, *kao neosnovan.*

#### **Ad-10. Informacije:**

U okviru *tačke 10.* u formi informacija dostavljeni su sljedeći akti:

- a) Informacija Univerziteta u Sarajevu – Filozofskog fakulteta o poreznom dugu - *primljena k znanju (dalje postupanje utvrđeno Zaključkom Vlade Kantona Sarajevo, broj: 02-04-29297-28.1 od 29. 07. 2021. godine).*
- b) Obavijest o dinamičkim planovima organizacionih jedinica Univerziteta u Sarajevu za akademsku 2021/2022. godinu
- Akademija likovnih umjetnosti - primljen k znanju;
  - Fakultet zdravstvenih studija – primljeno k znanju;
  - Katolički bogoslovni fakultet – primljen k znanju;
  - Medicinski fakultet – primljen k znanju;
  - Pravni fakultet – primljen k znanju;
  - Prirodno-matematički fakultet – primljen k znanju;
  - Veterinarski fakultet – primljen k znanju.
- c) Informacija o pokrenutoj proceduri izbora i imenovanja Upravnog odbora Univerziteta u Sarajevu za novi mandatni period – primljena k znanju.

Sjednica je završena u 16:00 sati

Sastavni dio zapisnika čini ispis poruka elektronske pošte predsjednika i članova Upravnog odbora.

**PREDSJEDNIK  
UPRAVNOG ODBORA**

*Dr. sc. Murat Ramadanović*

Zapisičar:

*Belma Hajradinović, MA prava Služba za pravne poslove*



*BH*